



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

15. De diuinatione.

urn:nbn:de:hbz:466:1-40916

nem, veniale est, donec ab aliquo aduertatur, vel per se cognoscatur: tunc enim esset mortale.

De Divinatione.

C A P V T X V.

TERTIA species est diuinatio: est autem haec, enunciatio inordinata eorum, quae per naturam cognosci non possunt, id est scire ea, quae homo naturaliter cognoscere non potest. Tamen per diuinam reuelationem, non est diuinatio. Ea tamen scire modo inordinato, & dæmonis inuocatione, ad diuinationem spectat. Maximè autem haec hominis naturam excedunt. Primum, ea, quae à Diuina voluntate soli pendent, qualia sunt mysteria gratiæ, quod hic saluetur, ille condemnatur, & alia huiusmodi. Secundo, quæ pendent ex liberitate hominis, & nondū futura sunt. Terterio, quæ sunt futura contingentia, & ita possunt non evenire, ut evenire. Quarto, quæ sunt occulta, vel absentia, ut homo perse cognoscere nequeat. Velle aliquid horum scire modo inordinatio, pertinet ad diuinationem.

Aduerendum tamen, quod nec dæmon scit certò ista, sed primo, conjectura quadam, ex longa experientia, quam habet, & ex subtilitate ingenij sui, qua conditiones singulorum & inclinationes cognoscit, & plus minusve cōiicit, quid sint facturi. Secundo, ex reuelatione Angeli boni: permituit enim Deus ipsi dæmoni aliqua manifestari. Terterio, aliquando res, quas prænuntiat, erant naturaliter evenientes, vel certæ futuræ, non tamen evidenter evenire nisi contingenter, & sic videtur etiā enunciare contingentia. Nam sèpè dæmon secretum morbi alicius intuetur, & cognoscit naturale tempus mortis, quod alteri prænuntians, videtur contingens dicere. Sèpè etiam prænuntiat ruinas domorum, quia occultas causas ruinæ operantes vider. Sèpè etiam annunciat quæ ipse facturus est. Quartò, ex naturalibus multa scit, propter magnam scientiam naturalem suam, & Astrologiam, qua pluvias, pestes, eclipses, & alia potest predicere. Hoc modo diuinatores suos decipit. Est autem duplex genus diuinationis. Alterum est, in quo inuocatur auctice dæmon, ut dicat occultas: quæ inuocatio solet esse multijuxta modos multos, quibus solet dæmon respōdere. Alterum per fictas, & apparentes figuræ, & dicitur Praesigium.

Aliquando per somnia, & est diuinatio somniorum, cum hominem a dæmone responsum expectat per somnia. Aliquando per mortuorum suscitationem, & dicitur, Necromantia, si dæmon nullam animam reuocare possit ad mundum hunc, tamen singit esse mortuum, assumendo corpus, ac si anima esset. Licet aliqui dicant, diuina permissione dæmonem idfaceret, sicut fecit de Samuele. Alij dicunt Deum id fecisse, non dæmonem, nec Pythonissa id poterat. Aliquando id fit per viuos, & arreptios homines, qui dicuntur Pythones. Aliquando fit per statuas, & corpora terrestria, & dicitur Geomantia. Aliquando per figuræ apparentes in aquis, & dicitur Hydromantia. Aliquando per figuræ aëreas, & dicitur, Aëromantia. Aliquando per ignes, & dicitur Pyromantia. Aliquando per interiora animalium, & dicitur Aruspiciū. Hæ omnes species sunt grauissima peccata mortalia; in quibus expresse inuocatur dæmon, & colitur, & est maximè peccatum hochet, coniunctum, si error fit in intellectu. Qui consulit hos analogos, & diuinos, excommunicatus est, vt diximus supra de Magis.

Alterum genus est, in quo non inuocatur expresse dæmon, sed tacite, putâ, cum medijs vtitur quis ad cognoscendum res quæ media nullam habent virtutem indicandi res. Et hoc dividitur in duo genera. Aliud, cum media non sunt aliqua opera facta ab ipso homine. Alterum, cum sunt actiones aliqua humanæ. Primum genus multas habet species, putâ Astrologiam, quæ fit per situs, & motus astrorum: Augurium, quod fit per garritus animalium, seu auium: Auspiciū, per voluntus auium: Omen, per verba alicuius hominis casu aliquo, vel aliqua intentione prolatæ, vt quia miles dixit socio: sistamus, dux decreuit exercitum non mouere: Chiromantiam, quæ fit per signa, & figuræ corporis humani. Circa Astrologiam doctandum est, quod non negamus posse naturales effectus, sive ut eclipses, pluuias futuras, & alia huiusmodi, & similiter complexiones, & inclinationes hominum, nam cœli influunt in humana corpora: tamen triplici casu vti Astrologia est peccatum mortale.

Vno modo, ad cognoscendum mysteria gratie, &c., quæ à sola Diuina voluntate dependent. Secundo, ad cognoscendum ea, quæ ex libera voluntate hominis pendent, quasi certa euentura sint, quod quidem falsum est: nam nec complexio hominis, nec cœlum, nec illa creatura cogit voluntatem;

tatem; & contingentia multis causis impediri possunt. Quod si quis vellet cognoscere aliquando contingens, vel liberum, iudicando esse incerta, & posse non evenire, non est mortale, nisi tantum in tertio casu. Tertius autem casus est, cum quis in suis actionibus, vtitur istis iudicijs Astrologorum, tanq; regula, nec quicq; vult facere, nisi cælum consulendo, iste talis iam certam putat regulam. Semel autem, vel bis consulere, & iudicando esse rem incertam, & posse non evenire, veniale esset, & actus omnino otiosus, quia nihil prorsus certitudinis tale habet iudicium. In his igitur casibus, tacite inuocatur dæmon, dum sumitur pro medio cognoscendi, qui ex se talem efficaciam non habet, vt per ipsum res tales cognoscantur, ob id peccatum est.

Circa augurium, & auspicium, notandum est, aliquando esse licita, cum solum prænunciare intendimus ea, quæ naturaliter solent aliqua animalia pænunciare: Deus enim instinctus sœpè aliquorum futurorum animalibus indidit: vt Meriggi mare linquentes, signant tempestatem futuram. Vespertilioes longè volantes a domibus, significant serenitatem, & alia huiusmodi multa. At verò alia, quorum animalia nullos habent instinctus, prædicere, peccatum est mortale, quia est tacita dæmonis inuocatio, qualia sunt coniungentia, & quæ à libertate hominis pendent, vel à solo diuina voluntate.

Genus alterum diuinationis, quod in aliquibus actibus humanis consistit, dicitur sortilegium, siue fiat taxillorum emisione, siue aliquarum chartularum descriptione, siue plumbi liquefactione, siue cere, vel alio simili modo. Est autem aduentum, esse triplex genus sortium.

Quædam sunt diuinatoria, quæ emittuntur ad aliquod occultum, vel futurum sciendum.

Quædam diuisoria, quæ emittuntur ad cognoscendum, quid cuique eveniat.

Quædam consultoria, quæ emittuntur ad cognoscendum quid in aliquo casu sit agendum. Et quidem prima diuinatio semper est peccatum mortale, quia ibi tacite inuocatur dæmon, nisi in aliquo casu expectaretur responsum, seu iudicium a Deo, quo modo Saul emisit sortem super Ionatham, & naturæ super Ionam.

Diuisoria autem licita est, cum triplici tamen conditione. Primo, ne in ea committatur aliquid contra Iustitiam, putâ, sumptus, quæ in sorte mittitur, vnius est, nec ad eam par ius

habent alij, inter quos mittitur fors, tunc non esset licita, ^{qua}
in iustitia sit domino: similiter non excluduntur, qui patres
habent. Secundò, ne sit contra publicum bonum Reip. yr. & ca-
dignitates sortiuntur inter homines, etiam ineptos ad dili-
guitates. Simile est de dignitatibus alijs alicuius communi-
tatis, cum inepti admittuntur ad sortes. Tertio, ne sit in dili-
guitatibus Ecclesiasticis, & beneficijs, talia enim sortiti non ke-
stantibus conditionibus.

Diuinoria licet, dum modò iudicium non expectetur à de-
mone, sed fortuitum sit.

Consultoria, cum judicium expectatur à dæmone, peccatum
est mortale; cum vero à Deo, licet, sed cum triplici conditio.
Prima, vt sit cum necessitate: cum enim media humana facili-
haberi possunt, non est Deus tentandus. S. Tho. 2. 2. q. 93. art. 8.
Vnde, liceret uti sortibus in hoc casu, cum tempore pestis aliqui
Curati essent mansuri, tamen duo sufficerent, ipsi autem mul-
ti essent, Episcopus non potest eos concordare, nescit: quo
constituat, posset iudicium à Deo expetere per sortes. Simili-
ter, cum duo essent in equali necessitate extrema, quorum va-
aliquis subuenire posset, tunc sorte consulendus esset Deus,
vter illorum esset. Hi duo casus sunt Augustini. Secunda est, vi-
sit cum reuerentia: accedere enim Deo irreuerenter, peccatum
est, & quidem veniale, nisi irreuerentia notabilis sit. Tertia est,
ne sit in rebus prophanicis: Deus enim non est in his rebus con-
sulendus. Tales conditiones in diuinatione, cum licita est, ser-
uari debent; cum autem aliter sit, peccatum est: & in his omni-
bus, cum à dæmone iudicium expectatur mortale est, & son-
legium. In diuinatoria autem, nisi expressè Deus inuocetur,
tacite inuocatur dæmon: ob id, ex se mortale est.

De vana obseruantia, & maleficio.

CAPVT XVI.

Quarta superstitionis species est, Vana obseruantia: in
qua tacite dæmon inuocatur, cum in ea, media quedam
assumantur, quae non habent virtutem ullam ad tales
effectus.

Huius quatuor sunt species infimæ.
Prima est, ars notoria, quæ continet orationes quasdam, &